

PRIMA SESSIONE URDINARIA DI U 2019
1ère session ordinaire de 2019
25 è 26 d'Aprile
25 et 26 avril

PRUGETTU DI RISULUZIONE

prisintatu da i gruppi FEMU A CORSICA, CORSICA LIBERA
è PARTITU DI A NAZIONE CORSA relativa à a messa in opera d'un
quadru nurmativu specificu per l'ACCADEMIA DI CORSICA

VISTU a deliberazione XX à nant'à u Pianu Lingua 2020,

VISTU a deliberazione nu 18/415 AC aduttendu a muzione relativa à l'integrazione di a specialità « lingua è cultura corsa » in ogni liceu di Corsica in più di e sette specialità à sceglie da i licej,

VISTU a deliberazione nu 17/021 AC relativa à a messa in opera d'un quadru nurmativu specificu per l'Accademia di Corsica,

CUNSIDERENDU a riforma di u basciigliè,

CUNSIDERENDU u statutu di e lingue dette regiunale,

CUNSIDERENDU chì l'insignamentu di a lingua corsa face parte di l'insignamentu generale nurmale d'un sculare sin'à a fine di u ciculu 3, val'à di sin'à a fine di a 6ta,

CUNSIDERENDU l'esempiu di e menzione digià in usu « sezione aurupea » è « sezione lingua orientale » à u basciigliè,

CUNSIDERENDU i benefizii linguistichi, culturali è cugnitivi di l'insignamenti disciplinari in lingua corsa,

L'ASSEMBLEA DI CORSICA

DUMANDA a scrizzione di a lingua corsa in u zocculu cumunu di cunniscenze, di cumpetenze è di cultura per i cullegianti di l'Accademia di Corsica,

DUMANDA chì l'insignamentu di lingua corsa fessi parte di l'insignamentu generale nurmale d'un sculare sin'à a fine di u liceu, in cuntinuità di ciò ch'hè fattu sin'à a 6ta,

DUMANDA ch'è u coefficiente di l'uzione LVC Lingua regionale à u basigliè sia simile à quellu di l'uzione Lingue è Culture di l'Antichità,

DUMANDA l'apertura di a specialità Lingua è cultura corsa in tutti i licei di Corsica, senza cundizione d'effettivu,

DUMANDA u sviluppu di l'insignamenti di e DNL (Discipline Micca Linguistiche) è di l'insignamentu bilinguu per tutti l'elevi di l'Accademia,

DUMANDA a creazione à u basigliè d'un indicazione « sezione lingua regionale » seguitata da l'indicazione di a lingua cuncernata : lingua corsa,

RIPETE a so dumanda di creazione d'un quadru nurnativu specificu per l'educazione in Corsica.